

# SARS E GOPOTŠA BAREKIŠI BA VAT GO ROMELA DIPUŠETŠO TŠA MOTŠHELO TŠE DI ŠALETŠEGO GOBA BA TLA LEBANWA KE MAGATO A SEMOLAO

**Pretoria, Labohlano , 22 June 2018** – Ditirelo tša Afrika Borwa tša Motšhelo (SARS) di gopotša barekiši ba Motšhelo wa Boleng bja go Oketšwa (VAT) go romela dipušetšo tša motšhelo tše di šaletšego morago go efoga dikotlo tša taolo le/goba tsheko ya bosenyi.

Go ya ka Moloa wa Taolo ya Motšhelo Nom. 28 wa 2011 (TAA), le kudu Karolo ya 234 (d), ke tlolo ya molao go se romele pušetšo ya motšhelo bakeng sa mehuta e mengwe le e mengwe ya motšhelo yeo molefela motšhelo a e ngwadišeditšego. Mehuta yeo ya motšhelo ke:

- Motšhelo wa Letseno la Mong (PIT)
- Motšhelo wa Letseno la Koporasi (CIT)
- Lefela ka Ge o Gola (PAYE)
- Motšhelo wa Boleng bja go Oketšwa (VAT)

Go palelwa ke go romela dipušetšo ka nako yeo e beetšwego go ka baka gore dikotlo tša taolo di dirišwe go pušetšo enngwe le enngwe yeo e šaletšego morago. Go ka baka tsheko ya bosenyi yeo e ka lebišago go faene goba kgolego.

Barekiši ka moka ba VAT bao ba nago le dipušetšo tša go šalela, go akaretša bao ba paletšwego ke go romela dipušetšo tša maleba la mathomo, goba bao ba sa kago ba romela pušetšo ya VAT201 ka nako bakeng sa nako ya VAT ya Aprele/Mei 2018, ba tla amogela SMS goba eMeile- go tšwa go SARS go ba gopotša go tloga lehono go romela dipušetšo tša bona tše di šaletšego.

Go efoga dikotlo, ditswala, ditsheko le kgolego, balefela motšhelo ba kgopelwa go phošolla maemo a bona a obamelo ka go romela dipušetšo tše di šaletšego ka potlako go Makala a kgauswi le bona a SARS ka SARS eFiling go [www.sarsefiling.co.za](http://www.sarsefiling.co.za).

Go bohlokwa go lemoga gore ge pušetšo e ka ba le sekoloto sa motšhelo, sekoloto se swanetše go lefelwa pele ga letšatši la mafelelo go efoga ditswala tše dingwe le tše dingwe bakeng sa tefelo ya go latelwa le dikgato tša semolao. SARS e tla tiišetša gore dipušetšo tša tšhelete di a lefelwa, ntle le ge go na le mabaka a semolao a go swarelela dipušetšo tša tefelo ya tšhelete.

Barekiši ka moka ba gopotšwa go romela ditaodišo tša maleba ka ge SARS e ka dira odithi (tekolo ya dipuku).

Go hwetša tlhaloso ka botlalo, balefela motšhelo b aka letšetša SARS Contact Centre go 0800 00 7277.